

Melika Hadžiabdić, bach. oec. - Završni magistarski rad

Fakultet/Akademija	EKONOMSKI FAKULTET
Tip Rada	Završni magistarski rad
Kandidat, zvanje	Melika Hadžiabdić, bach. oec.
Naziv Teme	Perspektive uvođenja i primjene modela obračunske osnove u računovodstvu budžeta u Federaciji Bosne i Hercegovine
Rezime/Abstract	U BiH budžetsko računovodstvo je zakonski regulisano i nalaže primjenu modela modifikovaneobračunske osnove, za razliku od profitnog sektora u kojem se koristi model obračunske osnove. Stalni trend rasta javne potrošnje, nedostatak budžetskih sredstava za finansiranje rastućih javnih potreba, te sve veća spremnost države da u svoje projekte uključi privatne poduzetnike, uticale su na početak procesa uvođenja ekonomskih zakonitosti i tržišnih kriterija ponašanja u područje javnog sektora. Zbog navedenog, budžetsko računovodstvo je predmet stalnog istraživanja i razvoja. Predmet istraživanja ovog rada odnosi se na mogućnost primjene modela obračunske osnove i Međunarodnih računovodstvenih standarda za javni sektor, u svrhu dobijanja kvalitetnijih računovodstvenih informacija u finansijskim izvještajima budžetskih korisnika u FBiH. Osnovni cilj rada je ukazati na opravdanost uvođenja modela obračunske osnove prilikom sastavljanja finansijskih izvještaja budžetskih korisnika, u cilju dobijanja kvalitetnijih računovodstvenih informacija i objektivnijeg iskazivanja finansijskog položaja i rezultata poslovanja. Također, potrebno je utvrditi da li su informacije zasnovane na modelu obračunske osnove i Međunarodnim računovodstvenim standardima za javni sektor potrebne javnom menadžmentu za efikasnije upravljanje. Cilj je utvrditi i intenzitet uticaja prepoznatih ograničenja (ljudski resursi, finansijska i informatička podrška te dugotrajnost procesa reforme) na uvođenje modela obračunske osnove u budžetsko računovodstvo FBiH. Empirijskim istraživanjem potvrđeno je da primjena modela obračunske osnove u računovodstvu budžeta FBiH osigurava kvalitetne računovodstvene informacije budžetskim korisnicima i objektivno iskazivanje finansijskog položaja i rezultata poslovanja. Međutim, budžetski korisnici su iskazali visok nivo zadovoljstva i sa trenutnim stanjem u budžetskom računovodstvu u FBiH. Informacije koje daje računovodstveni sistem budžeta, zasnovan na modelu modifikovaneobračunske osnove, također osiguravaju objektivno finansijsko izvještavanje budžetskih korisnika u FBiH. Ali ipak, većina budžetskih korisnika je za poboljšanje postojećeg računovodstvenog sistema i spremni su prihvatiti promjene. Oni smatraju da su informacije koje daje računovodstveni sistem budžeta, zasnovan na modelu obračunske osnove uz primjenu Međunarodnih računovodstvenih standarda za javni sektor, potrebne javnom menadžmentu za efikasno upravljanje budžetskim korisnicima u FBiH. Proces provođenja reformi značajno usporavaju identifikovana ograničenja primjene modela obračunske osnove (ljudski resursi, odnos troškovi – koristi, informatička podrška, dugotrajnost i složenost procesa), koja negativno utiču na mogućnost uvođenja modela obračunske osnove u budžetsko računovodstvo FBiH. Ključne riječi: budžetsko računovodstvo, model modifikovaneobračunske osnove, model obračunske osnove, Međunarodni računovodstveni standardi za javni sektor.
Datum	27.06.2016
Predsjednik	Dr. sc. Reuf Kapić, redovni profesor za užu naučnu oblast „Računovodstvo“, Ekonomskog fakulteta Univerziteta u Tuzli
Mentor	Dr. sc. Selma Novalija Islambegović, vanredni profesor za užu naučnu oblast „Računovostvo“ Ekonomskog fakulteta Univerziteta u Tuzli
Član komisije	Dr. sc. Sado Puškarević, vanredni profesor za užu naučnu oblast „Računovodstvo“ Ekonomskog fakulteta Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	Dana 27.06.2016. godine u 11 sati na Ekonomskom fakultetu Univerziteta u Tuzl
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.